



REPÚBLICA DEMOCRÁTICA DE  
**TIMOR-LESTE**

**10º Aniversário da Consulta Popular  
de 30 de Agosto de 1999**

**Konsulta Popular 30 Agostu 1999  
Tinan 10**

**10<sup>th</sup> Anniversary of the Popular Consultation  
of 30<sup>th</sup> August 1999**

Os últimos passos da

# **Libertação Nacional**

Cronologia

Hakat ikus nian ba

# **Libertasaun Nasional**

Kronolojia

On the verge of

# **National Liberation**

Chronology



10º Aniversário da Consulta Popular de 30 de Agosto de 1999

Konsulta Popular 30 Agosto 1999 - Tinan 10

10<sup>th</sup> Anniversary of the Popular Consultation of 30<sup>th</sup> August 1999



Edição

Secretaria de Estado do Conselho de Ministros

Design & Artes Gráficas

**ida** Imagem, Design & Arquitectura, Lda.

Editado por ocasião das Comemorações do  
10º Aniversário da Consulta Popular de 30 de Agosto de 1999

Agosto de 2009

Hakat ikus nian ba  
**Libertasaun**  
**Nasional**

Konsulta Popular 30 Agosto 1999  
Tinan 10

**Kronolojia**  
5 Maiu 1999 – 4 Setembru 1999

# Introdusaun

*Iha loron 30 fulan Agostu tinan 1999, povu Timor-Leste, ho aten-barani no determinasaun vota iha Konsulta Populár. Hafoin liu tiha tinan 24 husi okupasaun indonézia nian, to'o ikus, timoroan sira espresa momós sira nia hakarak kona-ba independénsia ba territóriu ne'e.*

*Publikasaun ida ne'e, lansa iha okaziaun selebrasaun da-10 Konsulta Populár nian, hakarak fó prestíjiu ba timoroan sira nia korajen no firmeza estraordinária, hodi relata tuir kronolojia, akontesimentu hirak ne'ebé mosu iha periodu entre loron 5 fulan Maiu no loron 4 fulan Setembru ne'ebé lori ba dalan autodeterminasaun.*

*Presiza duni atu tau iha akontesimentu istóriu sira, kronolojia ida ne'e, ne'ebé loke dalan ba asinatura ba akordu hirak iha loron 5 fulan Maiu tinan 1999, no akontesimentu hirak ne'ebé mosu hafoin rezultadu Konsulta Populár nian fó sai, hodi alkansa, iha fulan Maiu tinan 2002, iha Independénsia Timor-Leste nian nu'udar Nasaun.*

*Durante sékulu haat timor-Leste sai kolónia Portugés nian, situasaun ne'ebé muda ho invazaun ba territóriu ne'e husi forsa indonézia nian iha loron 7 fulan Dezembru tinan 1975, no hó promulgasaun ba integrasaun Timor-Leste nian ba Indonézia, nu'udar ninia província ba dala ruanulu resin hitu, iha loron 17 fulan Jullu tinan 1976, husi Prezidente Suharto.*

*Durante período okupasaun nian, Forsas armadas Indonézia nian komete violasaun direitus umanus ne'ebé boot hasoru populasaun, sein faktu ne'e hetan atensaun husi comunidade internasionál iha tinan barak nia laran.*

*Xanana Gusmão, nu'udar líder rezisténsia timor oan sira nian hahú husi tinan 1979, hetan kaptura iha loron 20, fulan Novembru, tinan 1992 no hetan sentensa prizaun perpétua tanba halo revolta no ikus mai sentensa ne'e muda fali ba prizaun tinan 20 nian.*





*Maske hetan sentensa ida ne'e, Xanana Gusmão sei kontinua nafatin nu'udar komandu no símbolu esperansa luta ba independénsia Timor-Leste nian, husi prizaun sipinang. Nia aktivu nafatin hodi apela kalma no rezisténsia liu husi dalan dame, ida ne'e foti aas kedas nia naran no perfil Rezisténsia timor oan sira nian iha comunidade internasionál.*

*Destinu Timor-Leste nian tuir mai muda derepente de'it tanba dezenvolvimentu iha sena polítika internasionál nian, relasiona hó rejime Suharto nian ne'ebé monu.*

*Diskusaun hirak entre Indonézia no Portugal, ne'ebé hahú iha fulan Jullu tinan 1983, hó protesau husi Sekretáriu Jerál Nasoens Unidas nian, durante tinan sanulu resin nia laran la hetan progresu ne'ebé boot. Tomada de pose ba Sekretáriu-Jerál foun, Kofi Anan, lori determinasaun foun ida bá esforsu Nasoens Unidas nian, no hó faktu Bispu Ximenes Belo no José Ramos-Horta, portavóz rezisténsia Timor-Leste nian simu Prémio Nobel Paz nian, iha tinan 1996, hamosu interese no presau ne'ebé boot husi comunidade internasionál ba kestaun Timor-Leste nian.*

*Iha fulan Jullu tinan 1997, eis presidente Áfrika Sul, Nelson Mandela, vizita Xanana Gusmão iha prizaun, hodi kontribul liu ba Timor-Leste nia kestaun liu husi dalan Internasionál sai momós llu tan.*

*Presidente Suharto nia susesór, Presidente Habibie, deklara katak nia prepara hela atu fó bá Timor-Leste autonomia ida ne'ebé boot liu. Iha kontinuasaun husi abertura foun ida ne'e, iha tinan 1998 nia rohan, Primeiru-Ministru Austrália nian, John Howard, haruka surat ida ba Presidente Habibie hodi husu bá Indonézia atu konsidera timoroan sira nia hakarak ba autodeterminasaun.*

*Forma Konsellu Nasionál da Rezisténsia Timorens (CNRT), tuir lideransa Xanana Gusmão nian, hetok halo movimentu ba independénsia nian hetan unidade liu tan.*

*Hodi nune'e kria kondisaun hirak ne'ebé mak presiza hodi loke dalan bá negosiasaun no tuir mai asina akordu loran 5 fulan Maiu nian, entre Governu Portugal no Governu Indonézia nian, kona-ba definisaun husi modelu konsulta populár nian.*

*INTERFET to'o, iha fulan Setembru, hanesan hodi fó resposta ba violénsia ne'ebé mosu hafoin rezultadu ofisiál Konsulta Populár nian fó sai no iha fulan Outubru tinan 1999 invazaun Indonézia nian remata hanesan lolós bainhira nia hahú: hó violénsia no ran.*

*Hó inísiu tinan 1999, UNTAET (Administrasaun Tranzitória Nasoens Unidas nian iha Timor-Leste) hola konta ba administrasaun iha territóriu ne'e, situasaun ida ne'ebé tuir mai muda daudauk ona bainhira estabele tiha Konsellu Konsultivu Nasionál (kompostu husi representante husi segmentu oioin husi sosiedade timor nian) ne'ebé regulamenta kriaun ba Gabinete Tranzisaun nian, ne'ebé forma husi lider timoroan sira no representante sira UNTAET nian.*

*Konsulta Populár Ilu tiha tinan rua iha loran 30 fulan Agostu tinan 2000, timoroan sira flla-fali bá kaixa votasaun nian, ba dala ida ne'e atu hili membru Assembleia Konstituinte nian sira ne'ebé sai hanesan aktu eleitorál demokrátiku ba dala uluk iha territóriu ne'e.*

*Nune'e, Assembleia Konstituinte substitui Gabinete Tranzisaun nian nu'udar órgaun dahuluk timor nian ne'ebé sai hanesan responsável ba administrasaun iha territóriu ne'e no iha sesaun plenária iha loran 22 fulan Marsu tinan 2002, aprova no dekreta Konstituisaun Repúblika Timor-Leste nian.*

*Iha loran 20 fulan Maiu tinan 2002, loran ne'ebé sei hela metin nafatin iha istória, Timor-Leste sai nasaun independente ida ho Xanana Gusmão nu'udar ninia presidente.*





# Kronolojia

5 Maiu 1999 – 4 Setembru 1999



Hafoin halo tiha prosesu negosiasaun diplomátika, Portugal no Indonézia, konklui akordu tolu iha Nova lorke iha loron 5 fulan Maiu tinan 1999<sup>1</sup>:

- Akordu entre Repúblika Indonézia no Repúblika Portugeza kona-ba kestaun Timor Leste nian;
- Akordu kona-ba modalidade konsulta popular ba povu Timor Leste liu husi votasaun ida direkta; no
- Konsulta popular iha Timor Leste: Akordu kona-ba seguransa.

Portugal, reprezenta husi Jaime Gama, Ministru Negósius Estranjeirus, Indonézia, reprezenta husi Ali Alatas, Ministru Negósius Estranjeirus<sup>2</sup>, no ho protesaun husi Sekretáriu-Jerál Nasoens Unidas Kofi Annan, sira asina iha Nova lorke<sup>3</sup>, akordu hirak ne'ebé define modalidade prinsipál ba "konsulta popular", ne'ebé marka ba loron 8 fulan Agostu tinan 1999<sup>4</sup>.

Governu rua, Portugal no Indonézia, fó fiar ba Sekretáriu-Jerál atu organiza no hala'o "konsulta popular" atu buka hatene katak timor oan sira hakarak simu ka lakohi autonomia espesiál ba Timor- Leste iha Repúblika Indonézia unitária nia laran<sup>5</sup>.

Uniaun Europeia, liu husi nia prezidénsia fó sai Deklarasaun kona-ba Timor Leste no Nova lorke nia akordu:

*"Uniaun Europeia, haksolok tebe-tebes ho asinatura iha Nova lorke, iha loron 5 fulan Maiu tinan 1999, (...) akordu kona-ba Timor Leste nia futuro. Akordu ne'ebé mak propoen hanesan avansu importante ida hodi hetan rezolusaun ba problema ida ne'ebé naruk tebe-tebes. Iha kontestu ida ne'e, libertasaun imediata ba Xanana Gusmão, nu'udar faktor ida importante tebe-tebes ba rezultadu prosesu konsulta nian. Unlaun Europa hahí esforsu ne'ebé la hatene kole husi Sekretáriu Jerál Nasoens Unidas nian, atu hetan solusaun ida global no bele simu husi comunidade internasionál ba kestaun Timor Leste nian. (...)"*

## **Akordu Repúblika Indonésia No Portugal Kona Ba Kestaun Timor Lorosa'e**

*Governu Indonésia no Portugal, Hanoin hikas fali rezolusaun sira Assembleia Geral nian 1514 (XV), 1541 (XV), 2625 (XXV) no resolusaun no desizaun importante sira nebe konselhu seguransa no Assembleia Geral fo aprovasaun kona ba kestaun Timor Loro Sae nian;*

*Hanoin nafatin Governu Indonesia no Portugal nia haka, as an ba oin, hahu iha Julho 1983, liu housi Sekretario Geral nia seruisu diak tebes, atu hetan solusaun ida justa, luan no internasionalmente bele simu ba kestaun Timor Loro Sae nian;*

*Hanoin teni akordu 5 Agostu 1988 nian atu lori to, o rohan, ho Sekretario Geral nia protesaun, negosiasaun sira kona ba estatutu ida espesial baseado iha autonomia ida luan ba Timor Loro Sa, e la prezudika Governo ididak ninia pozisaun prinsipiu nian kona ba estatutu final Timor Loro Sa, e nian;*

*Diskuti tiha enkuadrimento konstitusional ida ba autonomia ida Timor Leste nian ho baze iha prozektu ida nebe Nasoens Unidas aprezena, ho alterasaun ruma nebe Governu Indonesia nian hatama;*

*Hatene didiak tiha pozisaun Governu Indonesia nian katak autonomia espesial proposta ne, e tenke tau iha pratika hanesan deit solusaun final ida kestaun Timor Loro Sae nian ho rekonhesimentu total soberania Indonesia nian iha Timor Loro Sae;*

*Hatene didiak tiha pozisaun Governu Portugal nian katak rejime ida autonomia nian tenke sai tranzitoriu, la exige rekonhesimentu soberania Indonesia nian iha Timor Loro Sa, e housi lista Assembleia Geral nian kona ba rai sira nebe la-os autonomia, ua, inhira seidak iha desizaun final ida housi parte povu Timor Loro Sae kona ba estatutu Timor Loro Sae nian nebe tiu housi lei ida autodeterminasaun nian ho Nasoens Unidas nia protesaun;*

*Hatene ona katak, maski Governu Indonesia nian no Governu Portugal nian iha sira nia pozisaun sira prinsipiu nian kona ba proposta autonomia espesial nian, sira na'in rua konkorda hotu katak presiza tebes hala'o prosesu ne'e ba oin, ne'e duni Governu Indonesia nian no Portugal nian konkorda malu katak Sekretariu-Geral tenke konsulta povu Timor Lorosa'e kona ba enkuadrimentu konstitusional ba autonomia nebé mai hamutuk dokumentu ne'e nu'udar aneksu;*

*Hatene tiha ona katak Governu Indonesia no Portugal nian husu tiha ona ba Sekretariu-Geral atu aranja métodu no maneira atu hala'o oin sa konsulta popular hosi votasaun direkta, sekreta no unversal; Sira lia tuir malu kona ne'e;*





#### **Artigo 1**

Husu ba Secretário Geral atu tau proposta enkuadramentu konstitusional nian be mai hamutuk ne'e, nebé fo autonomia espesial ida ba Timor Lorosa'e iha Republika unitaria Indonesia nian ne'e ba povu Timor Lorosa'e iha laran e liur nia konsedersaun, atu sira bele simu ka la simu housi konsulta popular ida ho baze iha votasaun ida direkta, sekreta no universal;

#### **Artigo 2**

Husu ba Secretário Geral atu hakiak kedas, ua'inhira remata asinatura Akordu ne'e nian, Komisaun ida Nasoens Unidas nian ba Timor Lorosa'e atu halo konsulta popular sai diak tebes;

#### **Artigo 3**

Governu Indonésia nian sei iha responsábilidade ba manutensaun paz nian no seguransa iha Timor Lorosa'e atu garanta katak konsulta popular realiza iha justisa no paz laran laiha intimidasaun, laiha violensia ka interferensia housi naran fatin ida;

#### **Artigo 4**

Husu ba Secretário Geral atu fo hatene rezultadu konsulta popular nian ba konselhu seguransa no ba Assembleia Geral, fo mos informasaun ba Governu Indonesia no Portugal no mos ba povu Timor Lorosa'e.

#### **Artigo 5**

Secretário-Geral hare karik, ho baze iha rezultadu konsulta popular nian no tuir akordu ne'e katak enkuadramentu konstitusional be propoin ne'e povu Timor Lorosa'e simu, Governu Indonesia sei buka ho bi't norma konstitusional sira nian hahu hala'o lolos enkuadramentu konstitusional no Governu Portugal sei hahu, iha Nasoens Unidas laran, hala'o buat sa prezisa atu hasai Timor Lorosa'e housi lista Assembleia Geral nian kona ba rai sira nebe la'os autonomia no halakon tiha kestaun Timor Lorosa'e nian housi agenda konselhu seguransa nian no Assembleia Geral nian.

#### **Artigo 6**

Sekretariu Geral hare karik, ho baze iha rezultadu konsulta popular nian no tuir akordu ne'e katak enkuadramentu konstitusional be propoin ne'e povu Timor Lorosa'e la simu, Governu Indonesia sei buka, tuir termo konstitusional sira, atu remata ninia ligasaun sira ho Timor Lorosa'e, hodi hafoun fali nune'e, tuir lei Indonesia nian, estatuto ba Timor Lorosa'e kaer hela molok 17 Julhu 1976, no Governu Indonesia no Portugal nian no Sekretario Geral Ila sei tuir malu kona ba oin sa hala'o transferensia autoridades Timor Lorosa'e nian ba Nasoens Unidas iha paz laran tuir los ordem. Sekretariu Geral sei hahu, ua'inhira nia iha mandatatu lejislativu ba ne'e prosedimentu nebe sei halo atu Timor Lorosa'e hahu prosesu tranzisaun ida ba Independensia. legislativo apropriado, começa procedimento nebe habiban Timor Lorosa'e hahu processo transição ida to'o independência

#### **Artigo 7**

Iha periodu tranzisaun laran housi konsulta popular ta'o hahu hala'o naran opsau ne'e ida, parte sira husu ba Sekretariu'Geral atu tau nafatin iha Timor Lorosa'e prezensa Nasoens Unidas nian ida nebe naton.

Halo iha Nova lorke iha laron 5 Maiu 1999.

**Governu Indonésia**  
Ali Alatas  
Ministru Negosiu Estranjeiru

**Governu Portugal**  
Jaime Gama  
Ministru Negosiu Estranjeiru

**Testemunha**  
Kofi A. Annan  
Secretário-Geral Nações Unidas





18 Maiu

22 Maiu

Ema liu na'in 30, mak milísia Aitarak sira oho<sup>4</sup>.

Sekretáriu Jerál propoen harii Misaun Nasoens Unidas nian iha Timor Leste (UNAMET) hodi organiza no hala'o konsulta popular. Misaun ne'e kompostu husi, membru staff internasionál 241, voluntáriu Nasoens Unidas sira nian 420 (funshonáriu eleitórál sira), polísia sivil 280, ofisiál ligasaun militar 50 no funshonáriu timor oan sira nu'udar kontratadu lokál, besik 4000<sup>7</sup>.

Unidade Eleitorál UNAMET nian, ne'ebé responsável ba atividade kona-ba resenseamentu no votasaun, kompostu husi nia koordinadór, koordinadór rejionál 16 no funshonáriu eleitorál 400<sup>7</sup>.

Harii mós Komisaun Eleitórál husi peritu internasionál tolu, órgaun independente responsável ba avaliaun prosesu konsulta no kompetente atu rona keixa, rekursu ka reklamasaun. Ikus liu, Sekretáriu Jerál nomeia hanesan komisáriu mak Johan Kriegler (husi Áfrika Sul), Patrick Bradley (husi Irlanda Norte) no Sohn Bong-Scuk (husi Koreaia)<sup>7</sup>.

Komisaun Justisa no Paz, informa katak milísia sira hala'o hela lista ida kona-ba líder separatista ne'ebé hetan tulun husi Servisu Intelijénsia Indonézia<sup>4</sup>.

Ian Marten to'o iha Díli, nu'udar representante espesiál foun Sekretáriu-Jerál (SRSG) Nasoens Unidas nian ba Timor Leste<sup>4</sup>.

Misaun UNAMET, ne'ebé lidera husi Ian Marten, hahú hala'o operasaun iha Díli<sup>9</sup>.

Bandeira Nasoens Unidas hasa'e iha sede misaun nian iha Díli<sup>9</sup>.

Eleisaun Lejislativa iha Indonézia, GOLKAR, partidu eis prezidenti Suharto no susesór B.J.Habibie nian, lakon ba dahuluk<sup>4</sup>.

Iha Timor Leste, halo resenseamentu ba eleisaun Indonézia nian ema hamutuk 420 136.<sup>1</sup>

Konsellu Seguransa estabelese UNAMET (United Nations Assistance Mission in East Timor) atu tau matan ba referendu<sup>4</sup>.

Misaun UNAMET nian harii ho durasaun ne'ebé prevee to'o fulan Agostu remata tinan 1999, liu husi rezolusaun 1246 (1999) ne'ebé hotu-hotu mak adopta. Konsellu bolu atensaun dala ida tan kona-ba, responsabilidade Governu indonéziu nian iha manutensaun ba páz no seguransa iha Timor Leste, atu bele asegura integridade ba votasaun no seguransa pesoál (staff) internasionál no observadór sira<sup>7</sup>.

Ministru Negósius Estranjeirus australianu, konfirma katak iha informasaun ne'ebé hatudu prova katak, tropa indonéziu mak fó nafatin aten brani no apoiu ba milísia sira<sup>4</sup>.

Ian Martin deklara katak timor oan rihun sanulu, husik hela sira nia uma, tanba violénsia husi milísia sira ne'ebé hetan apoiu husi indonézia,<sup>4</sup> hodi kria obstákulu sériu" ida ba preparasun votasaun kona-ba futuru territóriu nian<sup>5</sup>.

Komisaun Paz Estabilidade konkorda katak sei dezarma milísia no FALINTIL sira<sup>9</sup>.

Sekretáriu Jerál informa katak, milísia, pro-integrasionista sira kontinua hala'o nafatin violénsia, ida ne'e signifika katak laiha kondisaun ne'ebé mak presiza atu hahú faze operasionál ba prosesu konsulta nian. Atu loke rejistu ba eleitór sira adia ba semana tolu<sup>9</sup>.

07 Juñu

11 Juñu

18 Juñu

22 Juñu







23 Juñu

Sekretáriu Jerál informa ba Konsellu Seguransa, katak bainhira la iha kondisaun ba seguransa no traballu, mak prosesu konsulta labele la'ó ba oin. Rejistu ba elitór sira, adia ba loron 13 fulan Juñu, atu nune'e bele permite, kolokasaun ba pesoál Nasoens Unidas nian iha territóriu no fó tempu ba autoridade indonézia sira nian, atu haree didiak kestaun seguransa nian ne'ebé seidak halá'o<sup>5</sup>.

25 Juñu

Hahú Sorumutuk ba Paz no Rekonsiliaun (Dare II) iha Jakarta<sup>9</sup>.

29 Juñu

Milisia sira ataka eskritóriu UNAMET nian iha Maliana.<sup>9</sup>

30 Juñu

Taka Sorumutuk ba Paz no Rekonsiliaun (Dare II) iha Jakarta, ne'ebé tuir akordu, atu dezarma milisia sira no FALINTIL no mós atu respeita rezultadu konsulta popular nian, maibé la to'o ba akordu oinsá atu hala'o prosesu iha faze tuir mai<sup>9</sup>.

Jullu 99

03 Jullu

Dokumentu konfidensiál ne'ebé elabora husi Task Force Indonézia nian iha Díli (representasaun husi Ministériu Negósius Estranjeirus) ho nia títulu " Avaliasaun ba situasaun karik opsaun ida primeiru falla", hodi hahú ho hanoin ida katak bainhira la iha possibilidade ba autonomia atu manaan konsulta popular, sei halo avaliasaun ba situasaun iha territóriu ne'e bainhira opsaun primeiru falla. Governu indonéziu nega dokumentu ida ne'e<sup>1</sup>.

04 Jullu

Milisia Besi Merah Putih ataka koluna umanitária ida iha Liquiçá (Atake ida ne'e sai objektu julgamentu nian durante fulan Agostu iha Tribunal Dili)<sup>1</sup>.

## DARE II

Jakarta, 25-30 Juñu, 1999

"SORU MUTU BA DAME NEON IDA DEIT"

### Preambulu

*Hodi hahí ba Na'i, Boot liu hotu, ne'ebé mak fo maris no dame ba ema laran diak; Hodi preokupa tebe-tebes povu Timor Lorosae nia terus;*

*Konsiente ba responsabilidade atu hetan solusaun ida adekuaudu ba kestaun Timor Lorosa'e nian iha momentu kritika ida hosi ninia historia;*

*Ho inspirasaun konabá dezvoltamentu, tantu global no mos iha Indonesia laran, iha direitu humanu no demokrasia;*

*Ho apresiasaun ida sinseru ba esforsu hirak husi Igreja iha Timor Lorosae, liu-liu esforsu hirak husi Bispu Carlos Filipe Ximenes Belo no Bispu Basilio do Nascimento, atu hahú no promove dialogu no rekonsiliaun;*

*Agradese ba Governu Indonesia tan nia autoriza hodi hili Jakarta sai fatin ba Dare II;*

*Agradese mas ba nasaun hirak iha simpatia, organizaun hirak governu nian no organizaun Igreja nian tanba sira nia apoiu moral no material ne'ebé mak posibilita hala'o Dare II;*

*Hodi rekoñese esforsu hirak hosi comunidade internacional, liu husi Nasoens Unidas, atu solusiona kestaun Timor Lorosae nian ho meu pasifiku no aseitavel ba parte hotu-hotu, tuir Akordu 5 de Maio tinan 1999;*

*Hodi rekoñese nesesidade atu reafirma kompromissu reviu konabá paz no rekonsiliaun;*

*Ami, partisipante Dare II, deklara ho ami nia determinasaun, iha Na'i Maramak nia oin no jersaun foun Timor Lorosa'e nian, atu:*

- harí plataforma ida hosi posisaun hirak komum ho objektivu atu hetan solusaun ida duravel ba kestaun Timor Lorosae nian,*
- atu haburas kompreensaun ida klean ba ita nia pozisaun hirak ne'e ho pontu de vista ida atu habelar plataforma hosi pozisaun hirak komum ne'e.*

### Pontu hirak Konverjente

#### I. Política

**1) Timor Lorosae oras ne'e hasoru hela era foun ida konabá transparensia, demokrasia no globalizasaun, iha Indonesia no iha mundu rai klaran.**



2) Timor Lorosae iha ninia historia ida konabá konfonto nakonu mesak konflitu no violensia ne'ebé mak hetan impaktu ida hasoru nível hotu-hotu hosi vida social.

3) Mudansa politika iha Indonesia no dezvoltamentu internasionál, tantu Jeopolitika no mos dezvoltamentu hirak mosu iha Nasoens Unidas, fo kontribuisaun ba atu aselera prosesu iha buka atu hetan solusaun ida final, kompreensivu ba kestaun Timor Lorosa'e nian ne'ebé mak aseitavel ba comunidade internasionál.

4) Ema hotu-hotu iha Timor Lorosae iha direitu nu'udar ema sivil, politiku, social, cultural, religioza no ekonomiku.

## II. Seguransa

1) Atu tau matan ba akordu bilateral ne'ebé mak asina iha loron 18 Junho 1999.

2) Atu deklara katak Forsa Polisiaal Indonesia (POLRI) mak nu'udar autoridade uniku responsável ba seguransa no ordem publika durante prosesu konsulta popular tomak, tuir akordu 5 de Maio 1999.

## III. Rekonsiliaun

1) Parte hotu-hotu konkorda ho nesesidade atu hetan rekonsiliaun

2) Dialogu no rekonsiliaun ida verdadeiru nian deit mak bele haburas konsensu, hodi nia bele evita konflitu, no bele garante vida social iha atmosfera demokrasia nian ida, ne'ebé diferença iha ideias no persepsaun bele hetan respeitu.

3) Prosesu dialogu ida ne'ebé mak hala'o hela ne'e tenki involve opiniaun no aspirasaun politika hotu-hotu atu bele hari klima toleransia nian

## IV. Konsulta Popular

1) Atu enfatiza importánsia hosi partidu hotu-hotu hodi fo prioridade ba interese populaun Timor Lorosa'e nian, iha prosesu hala'o konsulta popular.

2) Tenki iha koordenaun diak ida ho UNAMET no ho parte hotu-hotu ne'ebé kaer responsabilidade no involve iha prosesu hala'o konsulta popular.

3) Polisia Indonesia tenki halao papel ida konstrutivu

4) Parte hotu-hotu ne'ebé involvidu tenki respeita akordu hirak hotu ne'ebé mak asina tiha ona, hodi bele apola UNAMET bainhira hala'o hela ninia mandate hosi ONU.

5) Rekomenda ba UNAMET atu nafatin mantén neutralidade iha prosesu konsulta popular ne'e nia laran

6) Rekomenda ba Forsa Armada Indonesia nia atu sai neutru iha durante hala'o prosesu konsulta popular, tuir akordu 5 de Maio 1999.

7) Konkorda atu simu rezultadu ofisialmente válido hosi konsulta popular, tuir akordu 5 de Maio 1999.

Hafoin ataka tiha pesoál Nasoens Unidas nian iha distritu Maliana no Liquiçá, membru Konsellu Seguransa nian sira ejiji atu pára kedas violénsia no intimidasaun ne'ebé milisia sira hala'o iha territóriu<sup>5</sup>.

Mary Robinson, Komisária Nasoens Unidas nian ba direitus umanus, deklara katak nia preokupada ho atake hirak milisia armada hala'o hasoru funsionáriu Nasoens Unidas nian sira.<sup>4</sup>

FALINTIL hato'o proposta foun kona-ba rai-kilat<sup>4</sup>.

Delegasaun ministrus Indonézia nian sira vizita Dili<sup>9</sup>.

Jeneral Wiranto, komandante Xefe forsas armadas Indonézia nian la hatan atu forsas manutensaun ba paz nian ida husi Nasoens Unidas tama iha Timor Leste<sup>4</sup>.

Hafoin atrazu barak tanbá violénsia hetok maka'as, mak ikus mai hahú tau naran ba ema eleitór sira ba referendu<sup>4</sup>, hafoin atraza loron tolu atu autoridade Indonézia nian sira bele hatan atu koalía kona-ba asuntu seguransa nian<sup>9</sup>.

Relatóriu ida husi loron 3 fulan Jullu tinan 1999, ne'ebé H.R. Garnadi, asesór ba ministru Politika Interna no Seguransa nian, mak asina, fo-sai ba UNAMET no ba meu komunikaun sosiál nian sira. Relatóriu ne'e hato'o planu evakuasaun nian ba ema ofisial indonézia nian tomak no populaun iha Timor Leste pró-Indonézia no atu sobu instalasaun sira prinsipál no kaos sosiál ne'ebé prevé tiha ona<sup>8</sup>.

Relatóriu husi Sekretariu-Jeral dehan katak aktividade intimidasaun nian husi milisia pró-integrasaun sira halo ema timor-oan barak mak halai-sai no sira limita tebetes kapasidade husi apoiante independénsia nian sira atu bele hato'o sira nia hanoin ho liberdade. Ema deslokadu hirak rai-laran nian "kontinua sai nu'udar ameasa seriu ida ba prosesu konsulta ida kredível"<sup>10</sup>.

06 Jullu

08 Jullu

10 Jullu

12 Jullu

14 Jullu

16 Jullu

19 Jullu

20 Jullu







25 Julu

Timoroan sira tau naran hamutuk ema 239 893 iha loron sanulu ba dahuluk. Tau naran ne'e kontinua ho kondisaun katak autoridade Indonézia nian sira sei bele konsege hetan kondisaun diak ba seguransa no hola konta problema ema deslokadu rai-laran nian, ne'ebé mak tuir kálkulu hamutuk besik ema na'in 60.000<sup>9</sup>.

28 Julu

Tanba kondisaun seguransa laiha mak konsulta popular adia tiha husi loron 8 fulan Agostu ba fali loron 30 fulan Agostu<sup>11</sup>.

## Agostu 99

04 Agostu

Tau-naran ba ema eleitór sira remata<sup>3</sup>. Resenseamentu voluntáriu, prezensial no espesífiku ba konsulta popular, hala'o durante loron 22 tuir-tuir malun, loron ida oras ualu, iha sentru 200 iha distritu 13 Timor Leste nian no mós sentru 13 iha estranjeiru<sup>1</sup>.

05 Agostu

UNAMET rejista ema eleitór potensial hamutuk na'in 451.792 husi populasau ida hamutuk 800.000 iha Timor Leste no estranjeiru<sup>5</sup>.

06 Agostu

Rejistu ba eleitór sira iha Timor Leste taka hafoin prolonga loron rua: ema nain 446 666 mak rejista-an, na'in 433 576 iha Timor Leste no na'in 13 090 iha sentru hirak iha estranjeiru<sup>9</sup>.

09 Agostu

Apoiante no opozitór sira ba proposta autonomia ba Timor Leste asina kódigu konduta ida ba períodu kampaña eleisaun 30 Agostu nian<sup>5</sup>.

10 Agostu

Akantonamentu unilateral FALINTIL nian ne'ebé mak hodi obedese ba instrusaun hirak husi Komandu Luta nian, rezisti hasoru provokasaun hirak husi forsa militar Indonézia no milísia sira<sup>12</sup>.

12 Agostu

FALINTIL kompleta akantonamentu iha fatin hat<sup>9</sup>.

Kampaña ba konsulta popular hahú<sup>5</sup>, no harii komité kampaña rejional sira<sup>9</sup>.

Apoiante ba autonomia nian sira harii Frente Unida ba Autonomia (UNIF), hodi hatama partidu pro-autonomia nian barak hanesan BRTT, FPKD no PPI (frente politika milisia pro-integrasaun). Ema apoiante independénsia nian sira hetan representasaun husi deit Konsellu Nasionál Rezisténsia Timorene (CNRT)<sup>1</sup>.

Hahú "hatún kilat" husi milísia sira iha parada<sup>9</sup>.

Milísia sira ataka sede CNRT nian iha Díli<sup>1</sup>.

Hatan ba aktividade milisia sira nian SRSG Ian Martin, Embaixador Agus Tarmidzi, Prezidente Task Force Indonézia no ofisial senior sira vizita distritu Viqueque, Suai no Maliana, no iha neba sira diskuti kona-ba medida seguransa adisional hamutuk ho polisia lokal, militar sira no administrasaun<sup>5</sup>.

Milísia sira ataka grupu estudantes iha Maliana<sup>1</sup>.

SRSG Ian Martin, ejiji ba ofisial Indonézia nian sira ne'ebé mak envolve-an aktivu iha milísia sira nia let atu sés-an tiha<sup>4</sup>.

Mata-dalan timoroan nian sira husi grupu pro-independénsia no pro-autonomia halo akordu atu harii komisaun ida ho ema hamutuk na'in 25 atu hala'o rekonsillasaun no kooperasaun iha territóriu nia laran to'o bele implementa rezultadu eleisaun nian<sup>5</sup>. Tempu "hatún kilat nian" ba milísia sira iha parada remata ona<sup>9</sup>.

Hahú taka ema eleitór sira nia naran iha sentru rejistu sira<sup>9</sup>.

14 Agostu

16 Agostu

17 Agostu

18 Agostu

19 Agostu





## 20 Agostu

Em a milísia sira ataka sede CNRT nian iha Manatuto no grupu estudante nian ida no ema ida husi deslokadu sira iha Suai<sup>1</sup>.

Kampaña hetok sai violentu bainhira milisia pro-integrasaun nian sira hasusar ema hirak ne'ebé maktuir kampaña pro-independénsia nian iha Suai. Iha Manatuto ema ofisiál ligasaun militar nian sira ne'ebé mak servisu hamutuk ho UNAMET hetan ameasa husi ema milísia sira<sup>5</sup>.

Violénsia foun ne'e halo ema hanoin rua-rua katak referendu labele hala'o molok misaun UNAMET nian remata iha loron ikus fulan Agostu nian<sup>4</sup>.

Mata-dalan timoroan sira husi grupu pro-autonomia no pro-independénsia halo akordu atu harii komisaun ida ho membru nain ruanulu resin lima atu bele promove rekonsiliasaun no estabilidade hafoin liu tiha votasaun<sup>9</sup>.

## 22 Agostu

## 23 Agostu

## 24 Agostu

Remata taka lista ema eleitór sira nian iha sentru rejistu<sup>9</sup>.

Autoridade Indonézia nian sira hakarak fó laran metin ba UNAMET katak sira sei harii ambiente ida seguru. Membru Konsellu Seguransa nian hatudu sira nia preokupasaun maka'as tanbá kontinua hala'o kampaña intimidasaun no violasaun iha Timor Leste no sira husu ba parte rua atu kumpri sira nia kompromisu atu hatún no rai tiha sira nia kilat<sup>5</sup>.

## 26 Agostu

Konsellu Seguransa Nasoens Unidas prolonga tan prazu UNAMET nian ba loron 30 fulan Novembru 1999<sup>4</sup>.

SRSG Ian Martin, iha konferénsia imprensa nian ida iha Dili, komunika katak, Nasoens Unidas hakarak atu hala'o ba oin votasaun maske violénsia foun mosu<sup>5</sup>.

Em a milísia sira ataka sede CNRT nian iha Díli<sup>1</sup>.

Em a mata-dalan prínsipal milisia nian ida, Eurico Guterres, deklara ba ninia apoiante na'in rihun sanulu resin lima katak Timor Leste sei sai nu'udar "tasi nakonu ho ahi" bainhira ema separatista sira mak manaan<sup>4</sup>.

Komandante militar Indonézia ne'ebé foin dadauk nomeia ba Timor Leste, koronel Noer Muis, hateten ba Jakarta Post katak "Indonézia sei abandona territóriu tuir dalan paz nian no sei transfere administrasaun, inklui instalasaun hirak prínsipal, ba Nasoens Unidas ho maneira ida sivilizada nian"<sup>1</sup>.

Iha Nova Yorque, iha sorumutuk Konsellu Seguransa nian ida, representante Indonézia nian hateten katak nia país iha responsabilidade atu garante ambiente ida seguru, nu'udar hateten tiha ona iha akordu loron 5, fulan Maiu nian<sup>7</sup>.

Konsellu Seguransa hanaruk tan mandatu UNAMET nian to'o loron 30 fulan Novembru. Iha votasaun ida ne'ebé hotu fó apoiu, Konsellu Seguransa adopta Rezolusaun 126 (1999), hodi transfere proposta, Sekretáriu-Jerál, kona-ba reestruturasaun Misaun Nasoens Unidas nian iha Timor Leste ba fali faze interina hafoin liu tiha votasaun iha loron 30 fulan Agostu<sup>5</sup>.

Mosu fali violénsia husi parte milísia sira iha asaltu ba sidade Díli no eskritóriu CNRT nian<sup>9</sup>.

Remata período kampaña eleitórál, ne'ebé hahú iha loron 14 fulan Agostu<sup>1</sup>.

UNAMET fasilita hala'o sorumutuk istória ida entre gerrilleiru pro-independénsia nian husi FALINTIL no forsas armadas indonézia nian (TNI) iha akantona-mentu prínsipal FALINTIL nian iha Timor Leste<sup>5</sup>.

## 27 Agostu





## 28 Agostu

Mandatu UNAMET nian hanaruk tan hodi aumenta númeru militar ofisiál ligasaun no polísia<sup>9</sup>.

Milísia sira ataka sede CNRT nian iha Lospalos<sup>1</sup>.

Ministru Negósius Estranjeirus Indonézia, Ali Alatas, lakohi simu proposta atu haruka forsa manutensaun paz nian<sup>4</sup>.

Milísia sira ataka sede CNRT nian iha Oekusi<sup>1</sup>.

Besik ona loron konsulta popular, Sekretáriu-Jerál Nasoens Unidas nian fó sai apelu ida ba povu Timor Leste, hodi apela ba parte hotu-hotu atu bele moris tuir sira nia responsabilidade tuir istória nian<sup>5</sup>.

FALINTIL no líder milísia sira promete ona ba públiku atu la lori tan kilat bainhira sira la hela iha kuartél laran. Polísia no militar indonéziu sira promete atu halo sira kumpri duni promesa ida ne'e<sup>9</sup>.

Ajénsia Reuters fó sai notísia katak forsas armadas indonézia nian hateten ona sira sei la garante atu mantein seguransa 100% iha Timor Leste "karik mosu situasaun runguranga hodi envolve ema barak, tanba sei la rona malu no sei provoca malu entre grupu sira ne'ebé hola parte iha kauza ida ne'e, ne'ebé dala barak mak la konsege evita"<sup>1</sup>.

## 30 Agostu

### Loron Konsulta Popular

*"Iha kedas oras madrugada, no iha kazu balun iha tiha ona loron ida uluk kedas, estrada Timor Leste nian nakonu ho ema barak ne'ebé lori kartaun eleitor no dokumentu identidade ho ksolok iha liman atu ba sentru votasaun 200 no ba meza eleitorál liu 700 resin hodi ezerse sira nia direitu votu nian, balun ba ho familia tomak. Iha loron 30 fulan Agostu, tempu neba la iha ema ida mak hela iha uma (...)"<sup>2</sup>*



Votasaun hahú kedas iha tuku 6.30 to'o tuku 4-lorokraik, maibé iha tuku 9 dader dei't kuaze eleitor hamutuk porsentu 50 ne'ebé mak tama iha lista resenseamentu tuir tiha ona votasaun iha territóriu nia laran. UNAMET konsege organiza konsulta popular ho período tempu ida ne'ebé rejista hanesan lalais liu fali iha fatin seluk no ho rezultadu ida diak tebe-tebes tuir pontudevista eleisaun nian<sup>1</sup>.

Hahalok violénsia oioin obriga taka sentru votasaun hitu iha tempu balu nia laran iha distritu Ermera<sup>4</sup>.

Pelumenus eleitor timoroan hamutuk porsentu 95 ne'ebé mak rejista tiha ona tuir votasaun, sura hamutuk liu ema 430.000<sup>5</sup>.

Funionáriu eleitorál UNAMET nian balun mate iha Atsabe<sup>9</sup>.

Ali Alatas, Ministru Negósius Estranjeirus Indonéziu nian, gava lahalimar hahalok ne'ebé mak hala'o iha referendu ne'e<sup>4</sup>.

Membu sira Komisaun Konsultiva Timor Leste nian hala'o sorumutuk ba dahuluk. Grupu ne'e kompostu husi membru pro-independénsia nian nain 10, pro-autonomia nain 10 no nain 5 nomeia husi Sekretáriu-Jerál Nasoens Unidas nian<sup>5</sup>.

Komisaun Konsultiva ne'e hetan boikote husi representante barak pro-autonomia nian ne'ebé la fleksível<sup>9</sup>.

UNIF protesta ba UNAMET katak prosesu votasaun "la la'o tuir lei no la loos" (karta iha loron 31, fulan Agostu). Akuzasaun hirak ne'e Komisaun Eleitorál konsidera la iha fundamentu<sup>1</sup>.

## 31 Agostu



# Setembru 99

## 01 Setembru

Atake husi milísia sira ba iha sidade Díli, Glenu, Aileu, Ermera, Ambenu no Maliana. Membru timoroan nain tolu husi ekipa UNAMET nian mak mate<sup>4</sup>.

Lahalok violénsia nian balun hala'o iha sede UNAMET nia liur, iha Díli. Membru milísia sira ataka apoiante pro-independénsia nian<sup>5</sup>.

Iha violénsia no mate husi parte milísia nian iha Díli. Jornalista sira hetan mós atake<sup>6</sup>.

Enviadu esepesiál husi Nasoens Unidas, Jamsheed Marker, husu ba Konsellu Seguransa atu, iha tempu tuir mai prepara ona atu haruka forsa intervensaun internasionál ida<sup>4</sup>.

Milísia pro-integrasaun, dala ruma ho apoiu husi elementu forsas seguransa indonézia nian, hala'o kampaña ida ho violénsia (hodi naok no sunu) iha territóriu nia laran tomak<sup>2</sup>.

Funsionáriu lokal nain rua UNAMET nian mate iha Maliana durante violénsia ne'ebé milísia sira hala'o iha fatin neba<sup>3</sup>.

Sekretáriu-Jerál Nasoens Unidas nian fó sai, iha Nova Iorque, ba Konsellu Seguransa no ba mundu, rezultadu konsulta popular nian<sup>13</sup>.

Komisaun Eleitoral, iha audiénsia públika, konsidera alegasaun irregularidade nian no konklui katak prosesu ne'e hala'o tuir duni dalan loos<sup>9</sup>.

Jeneral Wiranto fó sai katak, atu bele preparadu nafatin ba kualkér situausaun, mak sei haruka tan batallaun foun rua (ema rihun rua) mai Timor Leste<sup>4</sup>.

TT

## 03 Setembru

# 04 Setembru

Anunsiu ofisiál rezultadu iha Díli: hamutuk ema 94.388 ka por sentu 21.2 mak vota ba proposta autonomia esepesiál no ema 344.580 ka por sentu 78.5% mak vota kontra. Ema timoroan hamutuk 446.953 iha rai laran no rai liur mak vota iha konsulta popular<sup>5</sup>.

Rezultadu husi Díli nian fó sai iha Hotel Mahkota<sup>3</sup>, ne'ebé timoroan sira hili tuir sira nia hakarak ba sira nia futuru no barak liu mak hili ukun rasik-an<sup>1</sup>.

Violénsia ne'ebé provoka husi milísia no militar indonéziu sira obriga atu pesoál Nasoens Unidas nian buka subar iha Díli<sup>4</sup>.

Ofisiál amerikanu ida husi CIVPOL hetan kanek durante evakuasaun UNAMET nian iha Likisa<sup>2</sup>.

TNI/milísia sira hahú masakre durante oras ida nia laran, hodi halo ema internasionál barak mak halai<sup>3</sup>.

Kampaña violénsia, inklui ema mate, violasaun, naok no sunu, hala'o iha Timor Leste nia laran tomak<sup>8</sup>.



TT





# Resultadu

DISTRITU  
(CONSELLU  
ADMINISTRATIVU)

	REJIAUN UNAMET	RESENSEADU	SENTRU RESENSEAMENTU	MESA VOTU	VOTASAUN	%
Dili	104,471	48	203			
Kovalima						
Ainaru						
<b>(Sub-total)</b>	<b>Sual</b>	<b>74,945</b>	<b>38</b>	<b>148</b>		
Baukau						
Manatuto						
<b>(Sub-total)</b>	<b>Baukau</b>					
Bobonaru	Maliana	45,306	22	89		
Lautém	Los Palos	28,266	14	55		
Viqueque	Viqueque	36,369	14	68		
Ermera	Ermera	47,363	20	88		
Ambenu	Oecussi	28,151	11	53		
<b>Timor-Leste 13</b>	<b>8</b>	<b>438,517</b>	<b>200</b>	<b>850</b>		
Indonézia		3,800	5	11		
Lizboa		2,203	1	4		
Nova Iorque		13	1	1		
Maputu		52	1	1		
Makau		149	1	1		
Austrália		7,062	4	17		
<b>(Sub-total)</b>		<b>13,279</b>	<b>13</b>	<b>35</b>		
<b>Total geral</b>		<b>451,796</b>	<b>213</b>	<b>885</b>	<b>446,953</b>	<b>98,9%</b>
Votus válidos					<b>438,968</b>	<b>98,2%</b>
Votus inválidos					<b>7,985</b>	<b>1,8%</b>
<b>Favor Autonomia</b>					<b>94,388</b>	<b>21,5%</b>
<b>Favor Independência</b>					<b>344,580</b>	<b>78,5%</b>

## Credits for original photographs

Photograph courtesy of  
UNMIT, Communications and Public Information Office



Photograph courtesy of  
Ross Bird



Photograph courtesy of  
UNMIT, Communications and Public Information Office



Photograph courtesy of  
UNMIT, Communications and Public Information Office



Photograph courtesy of  
UNMIT, Communications and Public Information Office



Photograph courtesy of  
UNMIT, Communications and Public Information Office



Photograph courtesy of  
UNMIT, Communications and Public Information Office



Photograph courtesy of  
UNMIT, Communications and Public Information Office



Photograph courtesy of  
UNMIT, Communications and Public Information Office



## Referências Bibliográficas Bibliography

- 1) Teles, Patrícia Galvão. *Autodeterminação em Timor-Leste: dos Acordos de Nova Iorque à Consulta Popular de 30 de Agosto de 1999*. Documentação e Direito Comparado, n.º 79/80. 1999  
<http://www.gddc.pt/actividade-editorial/pdfs-publicacoes/7980-d.pdf>.
- 2) <http://www.un.org/depts/dpko/missons/unmissetlocal/unmisset/factsandfigures.html>.
- 3) Dunn, James. *East Timor: a rough passage to independence*. Australia: MacPhersons Printing. 2003.
- 4) Duran, Frédéric. *East Timor, A Country at the Crossroads of Asia and the Pacific, A Geo-Historical Atlas*. Bangkok: Silkworm Books. 2006.
- 5) <http://www.un.org/peace/etimor/Untaetchrono.html>
- 6) Bulletin EU 5-1999 (pt):1.3.13  
<http://europa.eu/bulletin/pt/9905/p103013.htm>.
- 7) Secretário-Geral das Nações Unidas. *Relatório de 22 de Maio de 1999 (S/1999/595)*.
- 8) Commonwealth of Australia, Senate Foreign Affairs, Defense and Trade References Committee. *Final Report on the Inquiry into East Timor*. Senate Printing Unit, Parliament House, Canberra. 1999.
- 9) Martin, Ian. *Self-determination in East Timor: the United Nations, the ballot, and the international intervention*. United States of America: Lynne Rienner Publishers, Inc. 2001.
- 10) Secretário-Geral das Nações Unidas. *Relatório de 20 de Julho de 1999 (S/1999/803) e Carta para o Conselho de Segurança de 26 de Julho de 1999 (S/1999/822)*.
- 11) Secretário-Geral das Nações Unidas. *Carta de 28 de Julho de 1999 (S/1999/830)*.
- 12) Timor-Leste  
Memória, [http://amrtimor.org/crono/Index\\_por\\_ano.php?ano=1999](http://amrtimor.org/crono/Index_por_ano.php?ano=1999)
- 13) Secretário-Geral das Nações Unidas. 3 de Setembro de 1999 (S/1999/944).
- 14) Gomes, José Júlio Pereira. *O Referendo de 30 de Agosto de 1999 em Timor-Leste*. Portugal, Gradiva – Publicações, L.ª. 1.ª edição: Julho de 2001.

## Outras publicações consultadas Other consulted publications

- Greenlees, Don and Garran, Robert.  
*Deliverance: the inside story of East Timor's fight for freedom*. Australia: Allen and Unwin. 2002.
- Taudevin, Lansell.  
*East Timor- too little too late*. NSW, Australia: Duffy and Snellgrove. 1999.
- Nicol, Bill.  
*Timor: a Nation Reborn*. Asia: Equinox Publishing PTE. Ltd. 2002.
- Documento Dare II  
<http://www.etan.org/et99/july/1-7/02dare.htm>



Os últimos passos da  
**Libertação  
Nacional**  
Cronologia

Haket ikus nlan ba  
**Libertasaun  
Nasional**  
Kronolojia

On the verge of  
**National  
Liberation**  
Chronology



REPÚBLICA DEMOCRÁTICA DE  
**TIMOR-LESTE**